

四庫全書

史部

欽定四庫全書

皇朝文獻通考六十五

學校考 三

太學 一

臣等謹按太學之制詳於禮經尚已王制太學天子曰辟廱又曰成均鄭康成釋辟為明廱為和所以明和天下也宋陳祥道謂明之以法和之以道曰辟廱成其虧均其過不及曰成均蓋學校為造

士之地而國學尤為首善之區事則始乎明倫和行而功則全乎成德均才故曰養士莫大乎太學太學者賢士之所關教化之本原也

國家恢儒重道尊經右文自

定鼎以來即修葺國子監為太學設立

文廟講堂廳廡萃八旗子弟與直省貢監生肄業其中而以祭酒司業董其成助教學正督其課官司大備條教周詳嗣是

列聖繼承頒書

賜敕敦勉師儒

恩綸疊沛既厚其歲需復廣其學舍士子誦讀有資講習  
有業矣我

皇上御極之初即

命監臣倣宋儒胡瑗經義治事齋法分課諸生時復

欽頒切諭以躬行實踐聖賢為己之學為策勵而於司

訓等職尤加慎選焉引明經耆宿之儒入充司業

嚴考取教習之例澄清化源令優拔副歲諸生補  
博士弟子於是道德修明文物風雅郁郁彬彬四  
方之士羸糧而景從者不遠千萬里至於蕃夷異  
域蠻徼外臣航海梯山請橫經而受業美哉洋洋  
乎所謂辟靡成均之化何以加諸若夫

鴻碑鉅碣

聖訓

天文皆所以新多士之耳目而昭垂萬古者也

臣謹臚

太學規制備載於篇

順治元年始置國子監官詳定規制置官之法詳見職官考其規制一彙倫堂係

詣學御講之所本監堂上官不敢中堂而坐及中門出入王以下文武各官亦不敢中門出入一祭酒司業職在總理監務嚴立規矩表率屬員模範後進一監丞職在繩愆凡教官怠於師訓監生有戾規矩並課業不精悉從糾舉懲治

立集監冊凡監生有不遵學規者即登記

以憑通考一博士助教學正學錄職在教誨務須嚴立

課程用心講解如或怠惰致監生有戾學規者堂  
上官舉覺罰治一典籍職在收掌一應經史書板  
典簿職在明立文案並支銷錢糧季報文冊一本  
監正官每入署升堂就位各屬官以次赴堂序揖  
分列東西相向對揖各堂監生排立恭揖禮畢方  
退一本監屬官每遇赴堂稟議事務或質問經史  
皆須拱立聽受一各監生入監日首謁

先師廟各生排列廟墀禮生贊行四拜禮畢赴彝倫  
堂臺下序立謁見祭酒司業行四拜禮隨詣各堂  
師相見行二拜禮凡遇進監至大門外下馬不許  
乘馬出入一各監生於朔望日隨行釋奠禮外有  
講書兩廂及六堂講四書性理通鑑博士講五經覆書上書覆背諸課  
每月三回週而復始一朔望日祭酒司業率屬員  
諸生拜謁

文廟畢升堂講書一各監生凡聽講書後習讀講章



有未能通曉者即赴講官處講解或赴兩廂質問  
毋得憚煩蓄疑安於愚昧一每日各監生務寫楷  
書六百字以上須端楷有體一諸生到監日本堂  
嚴查年貌籍貫經書務取連名保結以防冒名頂  
替之弊如有犯者照例重處一在監肄業各監生  
祭酒三月季考一次司業每月月課一次務期齊  
集不許托故規避一例監生坐監二十四個月卹  
廕生難廕生考滿廕生坐監六個月

恩詔廕生坐監二十四個月

恩貢生坐監六個月歲貢生坐監八個月選拔貢生內廩

膳坐監十四個月增附坐監十六個月准貢生坐

監三個月例監生內廩膳坐監十四個月增附坐

監十六個月俊秀坐監二十四個月貢生有考充

教習者連監期共三十六個月

至雍正五年定一  
除監期計算

各廕監生途遇師長步行者旁立候過乘騎者遠

下趨避藐忽抗行者決責一各監生凡一應事務

先於本堂教官稟知率領赴廟稟覆毋得徑行違  
者決責一援例各監坐以文到日為始即赴監肄  
業其有丁憂親老患病者地方官另文申報一監  
生丁憂呈送本堂轉呈堂上官批准回籍守制如  
在籍丁憂者有司隨申本監以憑稽考一監生入  
監後遇有省親完姻及同居伯叔兄長喪而無子  
者許告假歸里立限給以假票進限遲曠本監行  
文提取計日倍罰一監生有不守監規及挾制師

長出入衙門包攬錢糧等事按律究治一本監舊  
有號房五百二十一間為諸生讀書之所一分設  
六堂教習諸生曰率性堂修道堂誠心堂正義堂  
崇志堂廣業堂每堂各以助教學正司其事至於  
監中事件順治元年以後俱屬禮部公同辦理十  
五年改歸本監康熙二年復歸禮部十年仍歸本  
監其應題應行事宜俱由本監奏請施行

恩詔文官三品以上廕一子入監讀書是為恩廕生之始

凡滿漢官員子弟或奉

旨送入監讀書或遇

恩詔分別内外文武品級各准廕一子入監讀書者皆為

恩廕生至是始廕及文官三品以上之子五年

恩詔並及文武三品以上官員之子至八年併

詔文官在京四品以上在外三品以上武官在京在外二  
品以上各送一子入監讀書

又奉

恩詔直省府州縣學俱以本年正貢為恩貢次貢作正貢  
每處貢二名舉行一次不著為例有才華出衆孝  
弟著聞者不拘廩增附生許提學官特薦試用是  
為恩貢之始二年

恩詔並同八年

詔款每學恩貢一名餘並同

又奉

恩詔國子監積分監生已經考定者即與選授撥出歷事

監生免歷二月至八年又奉

恩詔監生免坐監一月已撥歷者免歷一月又奉

恩詔國子監監生免坐監兩月已撥歷者免歷事兩月至

十六年又奉

恩詔免監生坐監一月

命直省選拔貢生奉

諭舉選貢生掄才大典准先行歲考補足廩生以拔其尤

順天府特貢六名每府學貢二名州縣學各貢一名考

試盤費官為處給如有拔萃奇才許特疏薦舉尋禮部  
議定在外府州縣學廩生赴提學道考試選貢來  
京者以學達經濟行合規矩方為及格至拔貢定  
例彙通省廩生於貢院中兩場考試士子跋涉艱  
辛今聽學臣於所至之地便宜考試是為拔貢之  
始  
又

命滿漢官生入監讀書設滿洲司業助教官

互見旗學門

祭酒



李若琳奏言學以國子監名所謂國之貴游子弟  
學焉者也前朝公侯伯駙馬初襲授者皆令入國  
學習禮讀書今滿洲勲臣子弟有志向學者宜令  
奏送國學一體讀書講習得

旨滿洲官員子弟有願讀清書或讀漢書及漢官子弟有  
願讀清漢書者俱送入國子監仍設滿洲司業一員助  
教二員教習清書

後滿洲助教增至十六員并設蒙古助教八員

定

廷試貢生閱卷分等例上卷以知州用上次卷以推官  
知縣用中卷以通判用中次卷以州判縣丞教職  
用

增定學正助教等官及學長禮生額制祭酒李若  
琳條奏太學官舊額三十九員今裁定十四員尚  
缺學正助教等官未補滿洲子弟濟濟盈廷授書  
課習亟須師儒啟迪乞於吏部候選進士舉人中  
擇其學行兼優者充之太學舊規監生中有友伴

堂長禮生等名率諸生課習今應以二廳六堂分  
配八旗每一旗須學長四人八旗共三十二人同  
給廩米如有效則咨部量才考用至太學禮法之  
地舊設禮生十五人

文廟各祭典執爵駿奔皆所必需應月給廩米年深  
量補鴻臚寺序班下所司議行

二年禮部疏請直省府州縣學不拘廩增附生每  
學將文行魚優者大學起送二名小學起送一名

入監肄業聽監臣考課仍以貢監名色彙送應試從之

臣等謹按此例至康熙二十四年始復舉行餘不數舉蓋特例也

廷試貢生先是禮部奏言貢生廷試每年例在四月十五日昨以銓選乏人將先到貢生隨便考試今各省咨送恩拔歲貢生三百十四人若拘四月定期守候為艱應請先行考試得

旨於三月十五日舉行吏禮二部同翰林官赴內院閱卷  
又定設八旗官學教習先是元年祭酒李若琳奏  
言滿洲官員子弟咸就成均肄業而臣衙門僻在  
城東北隅諸子弟往返晷短途遙臣等議滿洲地  
方各覓空房一所立為書院將國學二廳六堂教  
官分教八旗子弟滿洲十六人蒙古八人各旗下  
仍設學長四人俱於各旗書院居住朝夕誨迪臣  
等不時親詣稽查勤惰定於每月逢六日各師長

率子弟同進衙門考課以示懲勸下部議行至是  
祭酒薛所蘊奏請凡滿洲子弟就學者分為四處  
用伴讀十人以京省生員充補十日一次赴監考  
課遇春秋演射五日一次就本處習練俾文武兼  
資以儲實用從之

互見旗學門

又定官學教習各部考用及給月廩之例禮部議  
准祭酒薛所蘊疏言監中所取京學生員教授滿  
洲子弟讀書三年中應查所教子弟成材多者將

生員咨吏部考用每月人給米二斛以資膳養從

之

互見旗學門

入增八旗官學生額數先是每位領下各取官學生一名以十名習漢書餘習滿書至是禮部奏請增額

命每牛录增取一名於原額習漢書十名外加用十名餘

俱習滿書

互見旗學門

定直省歲貢士於京師是為歲貢之始府學每年

貢一名州學三年貢二名縣學二年貢一名各省  
提學將印結單卷由布政司起送提學造冊送部  
定限三月如過期者次年補試至四年頒定起送  
貢生

廷試單式於直省提學每歲將應貢生員屢經科舉者  
三人一正一陪嚴加考試如正貢不堪次取陪貢  
一陪不堪更及二陪務於挨次之中仍寓掄材之  
意如有濫充於所送內發回五名以上者學政照



例罰俸其正陪以食糧年深為序同補則以原考  
案先後為序至九年定已考正貢遇有事故出缺  
繫人文未經到部在一年內者將原給追繳俟取  
年力富強文學優長者充補十五年又定歲貢生  
於禮部過堂時詳查年力強壯者方准送監其後  
歲貢生多不到部吏部祇按冊挨選本省教官得  
缺後該省巡撫有考驗之例

令順天鄉試副榜入監是為副榜貢之始增附中

式者准作貢監廩生及恩拔歲貢貢監中式者俱免其坐監即與

廷試至十一年復定廩生副榜照恩貢生例坐監六月增附生副榜照歲貢例坐監八月

又優取遼東入關士子送監順天提學御史曹溶疏言遼東十五學遷隨入關僑居失業學問久荒今逢考監議寬取百人就近教育仍敕監臣從優考課減月積分為天下勸部議十五學內共取三

十名入監從之

定漢監生積分法禮部議准漢監生積分之法除  
常課外每月一試經書策論各一道合式者優拔  
一等通計一年內考居一等十二次者即為及格  
免其撥厯即送

廷試超選

定監生給假例監生肄業或資斧不繼回籍取費  
或各官子弟送親隨任及寒暑疾病量准給假日

期俱作曠學候補

定監生撥歷例凡監生讀書期滿分撥諸司部院衙門歷事者務須練習政體三月考勤一年期滿准送

廷試

三年

廷試恩歲貢生五百五人

四年以殉難陝西固原道副使呂鳴夏子入監讀

書是為難廕生之始至九年禮部題准凡內外滿漢三品以上官三年任滿勤事以死者准廕一子入監後又定凡三司首領州縣佐貳官死難者查舊例有贈無廕嗣後應亦准廕一子入監讀書

五年

恩詔各學生員拔貢一名即用本年科舉首卷送部奏請廷試如首卷中式或有事故即以次卷挨補

定例監生得在籍肄業例凡生員俊秀援例入監

事例不一由各該部題准遵行或入監肄業或在籍准作監生免其入監

定遼學歲貢生額每歲貢三人

六年

廷試直省恩拔歲副貢生

八年

廷試天下貢生一千七十二人由禮部會同內院吏部

於四月十五日赴

天安門外橋南行禮考試畢會同閱卷定序送吏部

出榜

又定聖裔監生例時

上臨雍禮成以五氏子孫觀禮生員十五人送監讀書是

為聖裔監生自是永著為例

詔肄業監生月給米三斗

定漢軍歲貢生額數不論旗分每年起送二名

詳見

旗學

門

九年

廷試官貢監生等一百四十一人歲貢生八百五十人

副榜貢生六百二十七人

賜敕訓勉師生

敕曰聖人之道如日中天上賴之以致治下習之以事君

爾等務盡心教訓諸生諸生亦當祇承師訓力體諸身

教成為師訓之功學成為弟子之職倘訓誨不嚴服習

有怠爾師生俱不能辭其責勉之

互見視學門



十年

廷試直省貢生五百六十一人

又

廷試官貢監生一百七人

十一年宗人府等衙門議覆祭酒姑爾瑪吽疏請  
覺羅廕生照各官恩廕生例一體送監讀書俟月  
分滿日仍開送宗人府與官員恩廕生一例照等

銓受從之

互見宗  
學門

定察驗八旗官學生例每佐領下留官學生各一名禮部會同國子監詳加察驗如學業無成者各歸佐領仍於本佐領下選擇頂補以後三年一次永為定例

互見旗學門

定功貢例凡隨征廩生俱准貢監生員有軍功二等准作監生更有軍功二等准作貢生此外有軍功作紀錄至十五年停止

定直省考試選拔貢生條例禮部議准直省儒學

廩生令學臣通行考試限一日內作經書策論取  
學行兼優者拔一名充貢其原卷印封解部磨勘  
不許轉發謄紅以致改竄文字荒謬者由禮部會  
同禮科指叅尋又議定各生原卷解部後仍令本  
生自錄硃卷粘連貢單於布政司處取具該府州  
縣印結送部彙交內院以候

廷試是月

廷試貢監生等八十四人

定選取監生充禮生例先是元年因本監無監生  
可充以生員十二名選補三年期滿送吏部酌用  
祭酒沙澄條奏仍照例於監生內選補至十七年  
祭酒姑爾瑪呼復請於各項監生內選取容止端  
莊聲音响亮者十人充之於朔望釋菜時行獻贊  
禮在監凡三十六月期滿咨送吏部優與出身即

授知縣下部議行至康熙二十九年停止  
十二年增設八旗官學教習每旗選兼通滿漢文

義者各一員令其教習三年考滿核一次如果教  
育子弟有成多蒙任用者陞遷紀錄不盡心者議

處

詳見旗  
學門

又

廷試官生貢監生一百五人歲貢生五百四十八人恩  
拔副榜貢生等八百二人

又吏部奏請八旗教習貢生期滿咨部免其歷事  
考較文義以知縣通判酌用報可

停止京省生員教習八旗子弟例嗣後令禮部會同國子監於監生中嚴加考試選補教習有成優

加錄用

十三年

廷試歲貢生五百三十九人

十四年奉

諭舊例官員遇恩詔及考滿俱得廕一子入監讀書如常令讀書補授文職者居多則止尚文學不習武事其廕

監讀書各官子弟令其學習武事即於武職補用送監讀書之例暫行停止

又

廷試貢生六百八十九人

又

廷試就教貢生四百六十六人

十五年

廷試恩拔歲貢生七百五十四人

定永平府遼學貢額遼學生有原寄永平府學者  
與遼陽府學一例每年各貢一人遼海二縣學每  
二年各貢一人

更定漢監生積分法祭酒姑爾瑪呼議積分之法  
最有益於士子然諸監生盡令積分勢必不能擬  
令各項監生考到之日按其尤者許以積分其不  
與積分之例者照例期滿咨部歷事積分之法以  
一年為限除常課外每月一試考列一等者與一



分二等與半分二等以下無分有五經兼貫全史精熟或善摩鍾王諸帖者雖文不及格亦准與一分前後積滿八分為及格名數每歲不過十餘人如係恩拔歲副等積分及格者咨送吏部歷滿考職照教習貢生例上上卷以通判用上卷以知縣用係例監咨部歷滿考職許與不積分貢生一體廷試每百名取正印八名餘俱以州縣佐貳用其一年後積分不滿數願分部者照常出咨不准優選再

願肄業滿分者聽其自便從之

又科臣王命岳疏言貢途壅滯故也又允禮部議  
功貢准貢雖為數不多亦宜停止至副榜貢應照  
舊額解卷與中式者一體磨勘准為貢生俟三科  
不第後方准考職

又停内外文武四品以上官送子弟入監例至十  
八年并裁四品以下官生入監讀書

廷試就教歲貢生六百二十一人

裁八旗漢書教習四員漢博士一員助教四員學  
錄二員

十六年定湖南辰州府五寨苗學貢額照各縣例  
二年貢一人

十七年裁國子監蒙古祭酒司業

定考選八旗教習止用恩拔副榜歲貢生例先是  
十六年定教習改用監生至是復行更定凡准貢  
例監不准考取

定貴州省屬苗生貢額時以苗生新進人數甚少  
因令附大學者三年貢一人附中小學者五年貢  
一人別立一冊將苗生俟年序貢勿與府州縣學  
額數相混俟入學人多始照州縣舉行

嚴監生私歸之禁凡監生未經准假遽自私歸者  
黜革

又

廷試歲貢生五百餘人

停止漢監生積分法時以恩拔歲副諸貢俱經停止在監人少難以校定分數俟到監人多再議舉行嗣後遂停止

又掌翰林院事學士折庫納條奏今見官學生習學數年尚不諳文義此皆師範不得其人而弟子嬉遊荒惰習學不專故也宜選滿漢文義精通德行純正者以為教官不論滿洲蒙古漢軍學生俱令讀滿漢書令國子監按季考試禮部年終考課

將該學師生分別勸懲部議應如所請嗣後國子  
監祭酒司業助教等缺出臣於應陞各官內遴選  
通滿漢文義才品優長可為師範者推用從之

增定八旗官學生額數滿洲漢軍每佐領下各出  
二名一習滿書一習漢書止於武員及甲兵等子

弟內開送文員子弟不與

互見旗學門

康熙元年禮部議准貢監生停止分撥各衙門歷  
事於監期滿日本部即咨部考試取用自是部院

諸衙門俱無監生監生有文理俱通字畫端楷者  
考選分送修書各館効力較其年勞分別議敘各  
照應得職銜選用優者加等

令貴州雲南兩省貢生暫免

廷試貴州咨送吏部就近改補教職雲南咨行該撫就  
近考試將試卷封送吏部校閱定銜序選至二十  
三年又議准雲南蕩平後歲貢生暫就本省考試  
試卷解送到部開定次序移咨吏部其願就

廷試者聽

酌減直省歲貢生額數府學三年貢二名州學二年貢一名縣學三年貢一名至八年仍照順治二年所定額數府學二年一貢州學三年二貢縣學二年一貢

停止鄉試副榜作貢送監之例

二年復定貢監生考選內閣中書例

詳選舉考

三年印刷監本四書大全五經等書



頒發直隸各省

又

命在監恩拔歲副貢生闕補官學教習

分別監生考用職銜例監生以州同州判縣丞主

簿吏目用貢監生以州同用

四年定

恩詔廕生先送國子監讀書後授官職

定官廕准例監生未經考職者考補官學教習以

停止恩拔歲副補用之例也至六年復定考取八旗教習先儘恩拔歲副官廕等生如無此項仍將准例監生考取

定禮部每年考試官學生例凡官學生除該監照常考試外每年禮部嚴考一次分別等第送部錄用如肄業怠廢即開列助教教習職名叅處

停止廕生監生分別文武例舊例廕生監生武官之子以部院衙門用文官之子照品級隨旗上朝

至是題准滿洲蒙古漢軍廕生監生停其分別文武凡年至十八歲文義優通者一體以部院衙門錄用如有不能學習情願隨旗者各照品級令其隨旗上朝

八年

上臨雍禮成以五氏子孫觀禮生十五人入監讀書

頒勅諭刊掛彝倫堂

勅諭國子監祭酒司業等官朕惟聖人之道高明廣大昭

垂萬世所以興道致治敦倫善俗莫能外也朕纘承丕業文治誕敷景仰先聖至德行辟雍釋奠之典將以鼓舞人才宣布教化爾等當嚴督諸生潛心肄業諸生亦宜身體力行朝夕勤勵若學業成立可裨任用則教育有功其或董率不嚴荒乃職業爾等係師生難辭厥咎尚其勉之毋忽

九年

命包衣佐領下官員子弟入監讀書先是內務府佐領下

官員子弟不准為廕生監生至是

上以內外官員効力相同加恩豈宜有別

特諭吏部嗣後包衣佐領下官員子弟准為廕監之處爾

部定議具奏尋議照康熙六年

恩詔包衣下一品官子弟許其承廕二品至四品各廕一

子入監讀書

三見旗學門

定奉天府府州縣學貢額每學五年一貢

奉

論天文關係重大必選擇得人令其專心習學方能通曉  
精微可選取官學生與漢天文生一同學習有精通者  
俟欽天監員缺考試補用尋議於官學生內每旗選取  
十名交欽天監分科學習有精通者俟滿漢博士

缺補用

互見旗學門

定廕監生補用部院筆帖式例凡部院筆帖式員  
缺錄用廕生監生停其年分次序俱照國子監年  
滿咨送到部之文先後補用若將三次

恩詔所廕監生同日咨送者仍照廕監生年分前後補用  
凡廕生監生錄用十員將庫使領催內識漢字者  
用二名官學生識滿漢字者用二名若庫使領催  
內無識漢字者將官學生補授其補授官學生令  
該部考試咨送掣籤

復令八旗文官子弟得充官學生先是

世祖章皇帝時八旗官學生不論文武官員子弟每佐領  
下選擇二名移送國子監教習後又定文官子弟

不許移送官學至是復奉

諭文武廕監仍以部院衙門錄用仍遵

世祖章皇帝時例不論文武官員子弟令本佐領將可學

之人移送本監教習

五見旗學門

十年定八旗歲貢生額數滿洲蒙古漢軍每年各

出貢二人至二十八年減漢軍貢額一名

五見旗學門

祭酒查祿疏言太學為教化本源之地查順治年

間曾令各省學臣選取生員文行兼優者起送赴



監今宜遵倣此例於郡邑各庠或間一歲或間三五歲舉文行兼優年齒少壯者一人入太學肄業則辟雍多經明行修之士矣得

旨直省各學於現考一二等生員內文行兼優者府學選拔二名州縣等學選拔一名入監肄業

定滿洲漢軍監生咨部考試例凡滿洲監生并漢軍識滿漢字監生坐監年滿者定期於二月八月咨部三月九月考試照考定名次挨補其漢軍止

識漢字監生與漢人一體於五月十五日考試

復直省鄉試副榜作貢送監例先於元年停試至是仍照順治十一年定例行從祭酒查祿之請也

十一年

命八旗選拔貢監於滿洲蒙古漢軍新舊生員內有文行

兼優者與漢生員一體入監肄業每旗滿洲蒙古

起送二名漢軍起送一名寧缺無濫

互見旗學門

又酌減八旗官學生額數滿洲漢軍每佐領下止

減留一人讀書蒙古每二佐領下酌留一人讀書

詳見旗

學門

十二年

賜八旗各官學大學衍義一部

互見旗學門

嚴八旗漢軍廕生官學生考試於策論判語內酌

量出題考試再令繙譯滿漢文一篇嚴加闕防彌

封各卷擇取文理優通者送部其未取者令回監

讀書如八旗各助教不行勤課者查叅其滿洲識

漢字廕監生官學生不在考試之例

又停止舉人官廕准例監生考取八旗教習例止  
以選拔副榜歲貢考充

定八旗教習坐監報滿之期凡恩拔歲副貢生考  
充教習者連坐監期二十六月報滿

十三年定官廕生歸監臣考試咨部例凡漢軍漢  
人各項官廕生俱聽國子監考試文理優通者咨  
部錄用其吏部考試之例停止

十六年定八旗官學生以生員俊秀選補例如本  
佐領下無生員俊秀准選補閒散人

嚴監生冒籍之禁凡監生有冒籍者許本生赴部  
自首改歸原籍免其斥革在外赴學政自首改正  
報部十八年十一月令考取監生充吏館謄錄

二十一年

諭大學士覺羅勒德洪等曰國子監乃國家養育人材之  
所近聞司教之官不將監生嚴加約束教誨縱之游戲

又其甚者閒雜之徒任行出入爾等傳祭酒司業等官  
嚴行申飭

二十二年定覺羅廕生由監臣考試咨部例

五見宗學門

國子監祭酒王士正疏言明代南北兩雍皆有十  
三經註疏二十一史刻板今國學所藏漫漶殘缺  
宜及時修補至南監板請敕該督撫查明令學臣  
收貯儒學尊經閣中毋致遺失從之

定八旗官學生考補筆帖式例

二十三年奉

諭助教官員職掌教習廕監官生應選優於文學者補用  
若文學庸劣之人何以表率生徒以後著吏部考取仍  
將試卷送內閣閱奏

二十四年令直省選拔貢生照十年例舉行

令八旗選拔貢生照十一年例舉行

又令本監嚴查監生凡各項監生有素行不端違  
悖條教及娼優隸卒濫廁太學并武斷鄉曲懶惰

廢學者本監題叅革處

定監生犯事叅革例凡監生犯事經該督撫咨報國子監者如係廕生及恩拔歲副貢生仍行題叅如係例監俊秀監生國子監徑行黜革發該撫究問

又申定奉天錦州府等學貢額錦州府錦縣定遠州三學各二年一貢廣寧縣五年一貢

復令直省起送貢監禮部議准監生止有輸納一



途貧窶之士無由觀光將各儒學生員選其文行兼優者准作貢監府學二名其餘各學一名起送赴監如該學無文行兼優者寧缺無濫其試卷解部磨勘察有冒濫將考官糾叅

二十六年

詔八旗子弟准與漢人一同考試先是十五年停止至是

復照舊例取生員四十名漢軍減二十名

互見旗學門

定直隸懷來等衛學貢額時以懷來安定保安三

衛設學照縣學例每二年貢一人

傳止直省歲貢生來京

廷試從禮部題請也凡直省歲貢生聽學臣考准挨序  
咨部補授訓導捐納歲貢亦聽考選補授願入監  
肄業者學政給文送部劄監

定臺灣等縣學貢額每二年貢一人二十七年始  
照例舉行

二十七年准琉球國遣陪臣子弟來學先是二十

三年冊封使臣汪楫林麟煥奏言中山王尚貞親詣館舍懇臣等轉奏願令陪臣子弟四人赴京受業考之史冊唐貞觀中新羅百濟俱遣子入學琉球自明初內附洪武永樂宣德成化間琉球官生俱入監讀書今國王尚貞遠破

皇仁傾心嚮學應准所請聽其遣陪臣子弟入監讀書從之至是奉

諭琉球國送到陪臣子弟三人入監讀書著安置得所尋

定取貢生一名令其教習博士一員專管董率祭  
酒司業等不時稽察俾講解經書學習文藝至衣  
服食用等需官生三人每年冬季給緞面細羊皮  
袍羊皮掛紡絲綿小襖褲各一件染貂鼠皮帽各  
一頂鹿皮靴氈襪各一雙春秋二季給緞面袍褂  
紡絲衫褲各一件線纓涼帽各一頂馬皮靴緞襪  
各一雙夏季給紗袍褂羅衫褲各一件綢被褥各  
一床所有紙筆墨等項月各給銀一兩五錢跟伴

三名每年冬季給布面老羊皮襖綿布小襖褲各  
一件貂皮帽各一頂牛皮靴布襪各一雙春秋二  
季給布綿袍褂各一件夏季給單布袍布衫褲各  
一件綿布被褥各一床雨纓涼帽各一頂其官生  
三人口糧俱照給進貢都事之例給發跟伴三人  
亦照給跟役之例給發住居房屋於國子監附近  
給十間并給與煤炭器皿等項

二十八年

御製孔子贊序及顏曾思孟

頒發國子監摹勒上石分發直省

定貴州貴筑縣學貢額照直省縣學例每二年貢  
一人

定八旗歲貢例滿洲蒙古歲貢二人漢軍歲貢一人  
二十九年停止監生贊禮期滿送部優叙之例  
至三十一年并停止監生充禮生改令八旗教習  
兼攝獻贊

三十年停八旗幼童選入官學之制時以科臣博爾濟疏請立

盛京兩翼官學奉

諭京師八旗幼童由各佐領內擇其優長之人令其教習讀書及馬步箭著九卿一併議奏尋議

盛京左右兩翼各設官學二處設滿漢教習各二員將各旗俊秀幼童選取十名每翼四十名分別滿漢書並教習馬步箭所有京師八旗官學除讀漢

書官生外其餘幼童十歲以上者每佐領各選一人滿洲漢軍學習滿書滿語蒙古兼學蒙古書語均令教習馬步箭仍令各佐領驍騎校稽查將此學名為義學從之

詳見旗學門

三十一年定雲南馬龍州等學歲貢額馬龍寧師宗三州照州學例每三年貢二人呈貢元謀定遠三縣照縣學例每二年貢一人

申嚴季考月課禮部覆准國子監季考月課雖有



成例恐日久廢弛嗣後考試務親身督課分別獎  
勵每月朔望令滿漢監生齊集講書如視為具文  
不實心奉行者從重議處

又嚴禁官役勒索到監諸生監臣徇庇失察者議  
處定貢監撥堂錄科起文條例凡入監肄業生先  
行考到列二等者復加考驗文字入格分撥六堂  
其恩拔歲副等貢生或赴部廷試或在監肄業或  
咨吏部考用遇鄉試年在外貢監生聽學臣錄科

入場其願入北闈者必於前一年起文赴監考試  
三十二年奉

諭幼童惟在訓迪苟加意教誨未有不或者騎射與文字  
原宜並重不可偏廢滿洲通文義官員即用之行間未  
嘗不可近見國子監教習官學生甚屬委靡大不及前  
即八旗教習幼童亦皆懈怠現在八旗幼童務宜選擇  
良師勤加訓誨爾等傳諭該都統知之

定湖廣五開衛學歲貢額數照例二年貢一人

定貴州安化縣歲貢額每二年貢一人

頒發

御書萬世師表匾額於國學

琉球國奏請在監讀書之官生梁成構等歸國許之  
三十三年定直隸宣化府學及宣化等縣學歲  
貢額數宣化府學照例每年貢一人宣化懷安懷  
來萬全蔚西寧龍門赤城八縣學照例二年貢一  
人自是永著為例

三十六年

命直省及八旗選拔貢生

平定朔漠

恩詔直省儒學以正貢作恩貢次貢作正貢

定直省歲貢生由本府州縣給文到監肄業之例  
向例俱由學臣起送至是停止

三十七年

御製平定朔漠文立石太學

御製文曰惟

天盡所覆海內外日月所出入之區悉以畀予一人自踐  
阼迄今蚤夜殫思休養生息冀臻熙皞以克副維皇大  
德好生之意庶幾疆域無事得以偃兵息民迺厄魯特  
噶爾丹阻險壯騷因此一方人既荼毒塞外輒狡焉肆  
其兇逆犯我邊鄙虐我臣服人弗用寧夫蕩寇所以息  
民懷外所以安內邊寇不除則吾民不安此神人所共  
憤天討所必加豈憚一人之勞弗貽天下之逸於是斷

自朕心躬臨朔漠欲使悔面革心故每許以不殺彼怙  
終不悛我師三出絕塞朕皆親御以行深入不毛屢涉  
寒暑勞苦艱難與偏裨士卒共之迨彼狂狡首脅從歸  
誠荒裔之長來享闕下西北萬里灌燧銷鋒中外乂謐  
惟朕不得已用兵以安民既告厥成事乃蠲釋青災潔  
事裡望為億兆祈昇平之福而廷臣請紀功太學垂示  
來茲朕勞心於邦本常欲以文德化成天下顧茲武略  
廷臣僉謂所以建威消萌宣昭斯績於有永也朕不獲

辭考之禮王制有曰天子將出征受成於學出征執有  
罪反釋奠於學以訊馘告而泮宮之詩亦曰矯矯虎臣  
在泮獻馘又體王師大獻則奏凱樂大司樂掌其事則  
是古者文事武事為一折衝之用具在樽俎之間故受  
成獻馘一歸於學此文武之盛制也朕嚮意於三代故  
斯舉也出則告於神祇歸而遣祀闕里茲允廷臣之請  
猶禮先師以告克之遺意而於六經之旨為相符合也  
爰取思樂泮水之義為詩以銘之以見取亂侮亡之師

在朕有不得已而用之之實或者不戾於古帝王伐罪  
安民之意云爾銘曰巍巍先聖萬世之師敬信愛人治  
平所基煌煌聖言文武道一禮樂征伐自天子出朕臨  
域中逾茲三紀嘗見美牆寤寐永矢下求民瘼上承帝  
謂四海無外盡隸侯尉維彼允醜瀆亂典常既梗聲教  
遂窺我疆譬之於農患在螟螣秉畀不施將害稼穡度  
彼游魂險遠是怙震以德威可往而取朕志先定龜筮  
其依屬車萬乘建以龍旗祝融駢驚風伯戒途宜暘而



賜利我樵蘇大野水涸川瀆効靈爾忽自湧其甘如醴  
設為觥角一出其西一出其東中自將之絕域無人獸  
羣受掩五日窮迫彼狂走險大殲於路彼血其挈剪其  
黨孽俘彼率徒衆烏晝號單馬宵遁恐久駐師重為民  
困慎用戍守還懷于京自夏徂冬雨雪其零載馳載驅  
我行歸至蠢茲窮寇昏惑不悔我邊我氓以休以助爰  
寧其居爰徂其賦藩落老穉斯恬斯嬉豈晏來歸春與  
之期春風飄翻揚我旌旂我今于邁如涉我郊言秣我

馬狼居胥山登高以眺閔彼彈丸天降之罰孤雛就羈  
三駕三捷封狼輿尸既腊梟獍既獮豺獍大漠西北鮮  
甲棄及振旅凱入澤沛郊卜明禋肆赦用迓景福昔我  
往矣在泮飲酒陳師鞠旅誓屈羣醜今我來思在泮獻  
功有赫頌聲文軌來同采芹采藻頌興東魯車攻馬同  
亦鐫石鼓思在安民非出得已古人有作昭示此旨緬  
維虞廷誕敷文德聖如先師戰慎必克惟兵宜戢維德  
乃綏億萬斯年視此銘辭

命祭酒司業力行考課法凡監生考課不缺者准其應試  
若臨期始到不准入場

三十九年嚴監生鑽營之禁監生或有借國學肄  
業名色一遇試期鑽營作弊者著祭酒司業助教  
等官平日檢舉不肖貢監嚴拿究治如徇庇者照  
溺職例議處

停止直省選拔貢生定例選拔貢生務取真才如  
有冒濫聽監臣駁回叅處先是三十七年祭酒特

默德孫岳頌面試山西選拔張漢卿等六名陝西  
呂爾恒等四名文理不堪照例駁回原卷抄發該  
學道候叅三十八年面試廣東選拔陳其瑋等三  
名文理不堪字畫舛謬抄卷駁回至是遂停止選  
拔遇應行拔貢之年以陪貢充之

四十一年

御製訓飭士子文勒石太學頒行直省

文曰國家建立學校原以興行教化作育人才典至渥也

朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棫樸作人之意乃比年士習未端儒效罕著雖因內外臣工奉行未能盡善亦由爾諸生積錮以久狃難改易之故也茲特親製訓言再加警飭爾諸生其敬聽之從來學者先立品行次及文學學術事功源委有叙爾諸生幼聞庭訓長立宮牆朝夕誦讀寧無究心必也躬修實踐砥礪廉隅敦孝弟以事親秉忠貞以立志窮經考業勿雜荒誕之談

取反親師恣化驕盈之氣文章歸於醇雅毋事浮華軌  
度式於規絕最防蕩軼于衿能達自昔所譏苟行止有  
虧雖讀書何益若夫宅心弗淑行已多愆或蜚語流言  
挾制官長或隱糧包訟出入公門或唆撥奸猾欺孤凌  
弱或招呼用類結社要盟乃如之人名教不容鄉黨勿  
齒縱幸脫褫扑濫竊章縫返之於衷寧無愧乎若夫鄉  
會科名乃掄才大典關係尤鉅士子果有真才實學何  
患困不逢年顧乃標榜虛名暗通聲氣夤緣詭遇罔顧

身家又或改竄鄉貫希圖進取竊陵騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正為國家宣猷樹績膺後先疏附之選哉朕用嘉惠爾等故不禁反覆惓惓頒茲訓言爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志寧俟他求哉若仍

視為具文玩愒不做毀方雖治暴棄自甘則是爾等冥  
頑無知終不能率教也既負栽培復干咎戾王章具在  
朕亦不能為爾等寬矣自茲以往內而國家外而直省  
鄉校凡學臣師長皆有師鐸之責者並宜傳集諸生多  
方董勸以副朕懷否則職業勿修咎亦難逭勿謂朕言  
之不預也爾多士尚敬聽之

四十四年

賜景山官學及



兩京八旗官學古文淵鑑各一部

重修國子監告成

頒賜

御書彞倫堂匾額先是四十一年

詔修文廟及公廨至是告成

五十年定八旗官學生分堂肄業之制凡八旗官  
學生隨貢監生分撥各堂鑲黃旗在東講堂正黃  
旗在西講堂正白旗在率性堂正紅旗在修道堂

鑲白旗在誠心堂鑲紅旗在正義堂正藍旗在崇  
志堂鑲藍旗在廣業堂令八旗六堂助教設立公  
座每逢進署之日季考月課之期先赴本堂謁見  
使坐立有所且杜頂替之弊

互見旗學門

五十一年申嚴滿漢祭酒司業及助教等官潔已  
率屬之戒

五十二年裁國子監滿助教四員漢博士一員漢  
學正二員

頒發

御纂朱子全書於國子監

定廣西西隆州學貢額三年貢二人

宗人府題請宗人府素無廕予入監讀書之例今  
奉

萬壽恩詔凡未入八分公以下及宗室內為一二品大臣  
者俱准給廕生一人入監讀書之後即令隨旗行

走從之

五見宗  
學門

恩詔直省儒學以正貢作恩貢次貢作正貢

五十四年

頒發

御纂周易折中於國子監

五十五年定湖南岳州府學輪年出貢之例時以  
湖西六屬湖東四屬分建考院其挨年出貢定各  
輪貢一年

定廣東諸衛學出貢之例附入各府學挨年出貢

五十九年琉球國遣其陪臣子弟來學

六十一年釐剔貢監頂冒入場之弊凡應試貢監  
務於鄉試前一年起文到部自鄉試本年正月為  
始月課季考無缺仍取連名互結并本堂助教等  
官結狀方准移送入場如有頂冒等弊事覺一體  
治罪

皇朝文獻通考卷六十五

欽定四庫全書

史部

皇朝文獻通考卷六十八至

內閣中書<sub>臣</sub>實汝翼覆勘

總校官中書<sub>臣</sub>孫溶

欽定四庫全書

皇朝文獻通考卷六十六

學校考

四

大學

二

康熙六十一年十一月

世宗憲皇帝御極

恩詔直省儒學以正貢作恩貢次貢作正貢其不及正貢  
之府州縣衛學准以次貢作恩貢再次貢作正貢

雍正元年禮部尚書陳元龍疏稱國子監監生皆由捐納入監能文之士稀少舊例各省學臣於府州縣生員內每學拔取一名送監肄業名曰選拔監生此例停止已久應令直省學臣查明往例舉行一次於各學廩膳生員內秉公考試每學拔取一名送監肄業尋議請仍照康熙三十六年例府學選拔二名州縣衛所等學每學選拔一名每旗滿洲蒙古共選拔二名每旗漢軍選拔一名如無



文行兼優者寧缺勿濫如有文理荒疎者將該學  
政照溺職例處分從之

定新進士考取八旗教習例捐納歲貢不准考充  
酌減直省歲貢生額數凡各省府州縣學有廩額  
數少者量減貢額

停止國子監官用捐納人員祭酒伊爾登奏言監  
丞助教博士學正學錄等員各有司教之職請停  
止捐納專用正途出身之教授學正教諭陞補從

之

又奉

諭內外廕生監生到部考試繙繹書法再分派各部行走  
令伊等咸得勉力學習至世襲官員所得三品廕生內  
若考試有列優等者賜以所應得原品則伊等必痛自  
砥礪以求上進不但國家得有用人才即各部院衙門  
亦不致令無知子弟羣廁其間矣

又增設蒙古教習官先是額設八員至是於八旗

蒙古護軍領催驍騎校內選有通曉經籍明白繙譯熟練國語蒙古語者十有六人分旗送學與助

教一同教習

互見旗學門

命禮部會同工部修葺國子監

文廟及講堂學舍

酌減雲南麗江府學貢額時以學中止設廩生三十名不得照他府學廩四十名每年一貢之例仍照州學例三年貢二人

二年

上臨雖禮成以五氏子孫觀禮生三十五人送監讀書

賜祭酒司業各官冠服及廩貢生銀兩有差

諭曰朕惟聖人之道昭揭日月彌綸天地萬世帝王下逮公卿士庶罔不仰遵成憲率由教言我國家尊崇至聖遠邁前代朕纘承大統古訓是學惟日孜孜茲雍正二年三月朔日親詣辟雖祇謁

先師孔子行釋奠禮思以鼓勵羣英丕隆文治爾監臣

宜嚴督諸生善為誘導諸生亦宜殫心肄業實踐躬行  
秉端方以立身敦忠孝以興誼勿營奔競勿事浮華文  
必貴於明經學務期乎濟世俾品成詣進以副朕教育  
至意此爾多士之庥亦惟爾監臣董率之功也慎勿怠  
荒職業以貽爾羞諸生其共勉之

增在監肄業錄送貢生監生本科鄉試中額

准琉球國遣陪臣子弟鄭秉哲等三人來學照康熙  
二十七年例遴選文行兼優貢生盡心訓迪委

博士二人董率本監堂官不時稽察其教習生廩糧咨部考職等項俱照官學教習例其住房及四時衣服用物統令稽察務使得所

又以平定青海大功告成

御製碑文勒石太學

御製文曰我國家受

天眷命撫臨八極日月所照罔不臣順遐邇乂安兆人蒙福乃有羅卜藏丹津者其先世固始汗自國初稽首歸

命當時使臣建議畀以駐牧之地其居雜番羌密近甘涼我

皇考聖祖仁皇帝睿慮深遠每厯於懷既親御六師平定朔漠威靈所加青海部落扎什巴圖兒等震驚承命

聖祖仁皇帝因沛殊恩封為親王兄弟八人咸賜爵祿羈縻包容示以寬大而狼心梟性不可以德義化三十年來包藏異志朕紹登寶位優之賜賚榮其封號尚冀革心輯寧部衆而羅卜藏丹津昏謬狂悖同黨吹拉克諾

木齊阿喇布坦溫布藏巴扎布等實為元惡謂國家方  
宏浩蕩之恩不設嚴密之備誕敢首造逆謀迫脅番羌  
侵犯邊城反狀彰露用不可釋於天誅遂命川陝總督  
太保公年羹堯為撫遠大將軍聲罪致討以雍正元年  
十月師始出塞自冬涉春屢破其衆凡同叛之部落戈  
鋌所指應時摧敗招降數十萬衆又降其貝勒貝子台  
吉等二十餘人朕猶憫其蠢愚若悔禍思愆束手來歸  
尚可全宥而怙惡不悛負險抗違乃決翦滅之計以方



畧密付大將軍羹堯調度軍謀簡稽將士用四川提督  
岳鍾琪為奮威將軍於仲春初旬禡牙徂征分道深入  
搗其窟穴電掃風驅搜剔巖阻賊徒蒼黃靡潰窮蹙失  
據羅卜藏丹津之母及逆謀渠魁悉就俘執擒獲賊衆  
累萬牲畜軍械不可數計賊首逃遁我師踰險窮追獲  
其輜重人口殆盡羅卜藏丹津孑身易服竄匿荒山殘  
喘待斃自二月八日至二十有二日僅旬有五日军士  
無久役之勞內地無轉輸之費克奏膚功永清西徼三

月之朔奏凱旋旅鏡鼓喧轟士衆訢喜四月十有二日以倡逆之吹拉克諾木齊等三人獻俘

廟

社受俘之日臣民稱慶伏念

聖祖仁皇帝威靈振於遐方福慶流於奕葉用克張皇六師殄滅狂賊行間將士亦由感激

湛恩厚澤為朕踴躍用命斯役也芟夷凶悖綏靖番羌俾烽燧永息中外人民胥享安阜實成

先志以懋有不績廷臣上言稽古典禮出征而受成於學  
所以定兵謀也獻馘而釋奠於學所以告凱捷也宜刊  
諸珉石揭於太學用昭示於無極遂為之銘曰天有雷  
霆聖作弧矢輔仁而行威遠寧邇維此青海種類實繁  
錫之茅土列在藩垣被我寵光位崇祿富負其阻遐禍  
心潛構恭惟

聖祖慮遠智周瞻念荒服綏撫懷柔朔野既清西陲攸震  
爵號旃加示之恩信如何凶狡造謀逆天鼓動昏慙寇

侵於邊惟彼有罪自干天罰桓桓虎貔爰張九伐王師  
即路冬雪初零日耀組練雷響輦鉦蠢茲不順敢逆戎  
旅奮張螳臂以當齊斧止如山嶽疾如雨風我戰則克  
賊壘其空彼昏中迷曾不悔戾當翦而滅斯焉決計厲  
兵簡將往擣其巢踰歷嶽嶇坦若垌郊賊棄其家我繫  
而獲牛馬谷量器仗山積蹇免失窟何所遁逃枯魚遊  
釜假息煎熬師以順動神明所福旬日凱歸不疾而速  
殪彼逆謀懸首藁街獻俘成禮金鼓調諧西域所瞻此

維雄特天討既申羣酋惕息橐戈偃革告成辟雍聲教  
遐暨萬國來同惟我

聖祖親平大漠巍功煥文邁桓軼酌流光悠久視此銘辭  
繼志述事念茲在茲

令滿漢祭酒司業率助教等官勤課官學諸生國  
子監滿漢祭酒司業轉飭助教教習等官每日親  
臨官學將官學生內習滿文者教以書寫本摺字  
畫習文章者講論聖賢經傳習繙繹者熟繙古文

淵鑒大學衍義等書祭酒司業不時巡行親查以  
勸勤儆惰每月傳至國子監考試一次分別優劣  
優者獎賞劣者戒懲俾有實效毋存虛名

又禮部議定凡五經博士應襲職之子孫宜送本  
部考試文藝劣者送監肄業三年方准承襲

復建立題名碑制

諭禮部工部國子監進士題名之典始於唐時新進士榜  
後於慈恩寺塔下題名立碑自宋明以至我朝皆建碑

國學按其甲第先後勒載姓名籍貫於上所以重科名也今太學

聖廟戟門外所立本朝歷科題名碑自順治丙戌科起至康熙戊戌科而止稽之會典諸進士釋菜後禮部題請工部給建碑銀一百兩交與國子監立石題名康熙三年裁省自後每科諸進士各自捐貲立石我國家振興文教凡鄉試會試動用帑金數萬朕即位之始即開恩科誠以科目一途實關用人取士之要題名之典豈

宜缺焉著工部動用正項錢糧會同國子監將雍正癸卯甲辰兩科題名碑速行建立康熙辛丑科亦宜補建嗣後每科仍照舊例題請庶士子觀覽此碑知讀書登榜之榮益勵其潛修上達之志爾該衙門即遵諭行

定甘肅涼州衛學歲貢生例三年貢二人

改定奉天府學歲貢例向例滿字號五年一貢未免壅滯民籍一年一貢未免太速至是改定滿字號三年貢一人民籍二年貢一人



增定陝西涼州衛學貢額向例二年一貢今照州縣例三年兩貢

三年左通政陳良弼條奏八旗漢軍筆帖式貢監生員官學生亦有學習繙繹者請照滿洲蒙古例一體考試部議以三年之內應行考取秀才舉人進士各一次從之

復設國子監舊裁滿助教四員從國子監祭酒宗室伊爾登請也

定陝西寧夏府州縣衛學出貢例寧夏西寧涼州  
甘州四府各學一年一貢靈州學及中衛縣學三  
年並兩貢寧夏寧朔西寧武威平羅碾伯古浪高  
臺永昌鎮番山丹平番等縣學俱兩年一貢張掖  
出貢照寧夏例

酌減廣西思明府等學貢額時以思明府學額廩  
不滿十名一年一貢左州額廩十名養利州永康  
州額廩不滿十名三年一貢未免太驟乃均定四

年一貢至太平土州初設學其廩生出貢俟補廩  
十年後照縣學例二年一貢

四年頒

御書文行忠信匾額於太學

定山西朔平府等學貢額新設朔平寧武二府二  
年一貢其右玉偏關左雲平魯陽高天鎮六縣挨  
年出貢均照縣學之例

吏部議奏國子監漢字助教員缺請將舉人副榜

按科分每旗各取十人并將由舉人副榜出身之  
俸深筆帖式每旗各取五人清文助教員缺於清  
文俸深筆帖式內每旗各取十人考取註冊不限  
旗分各按名次補用論俸陞轉從之

奉

諭內閣助教一官有教訓士子之責若只考試繕寫則年  
少淺學但工寫字者皆可入選何能得人可傳諭各部  
院衙門將滿洲筆帖式內老成有品行者保舉引見其

應考緒譯者仍照例考試

吏部遵

旨議覆各省恩拔副貢已就教職者應令學臣於歲科兩  
試事竣會同督撫與挨貢一體驗看造冊送部銓  
選年老者以原品休致從之

五年定捐納貢監歸學臣約束例捐納貢監有應  
行褫革者令地方官申報督撫學臣事屬督撫者  
准督撫移咨學臣事屬學臣者准學臣移咨督撫

增定奉天府學出貢例禮部議覆奉天府府丞須  
洲疏言府學民籍廩生請二年一貢滿字號廩生  
請三年一貢應如所請從之

命八旗官子弟十八歲以上者入監讀書

互見旗學門

其不能

習文者令其披甲學習馬步弓箭向來帶赴外任  
之處永行停止至八年又定八旗外官子弟十八  
歲以上者悉令歸旗願讀滿漢書者移送官學國  
子監肄業并習弓馬

定緒譯舉人得考補八旗官學助教例

王大臣等議准凡選擇官學生不拘門第務擇聰明俊秀子弟年幼者令學滿文稍長者令學漢文向例八旗每佐領下必選一人入學今酌定一旗

額設官學生百名分派滿洲六十名

以三十名習滿文三十名

習漢文蒙古二十名漢軍二十名凡有官學生缺出

通在一旗選擇不拘佐領申送本旗都統驗看交國子監當堂考錄再向來官學每旗設滿洲蒙古

教習二員漢教習五員今酌定漢教習每旗共設  
六員每名下各派定學生若干人專心訓課以專  
責成不得如往日之輪流更換其支給銀米俱倣  
照景山官學之例本堂官不時稽查分別勤惰勸  
懲三年期滿以知縣候選再留教習三年者以知

縣即用

互見旗  
學門

給官學生肄業錢糧康親王等議覆祭酒孫嘉淦  
條奏八旗官學生向來皆無錢糧以故無力之家



不能行走查得八旗所設教養兵滿洲三千六百八十名蒙古四百八十名漢軍九百六十名滿洲蒙古每名一月給銀三兩漢軍每名一月給銀二兩令其學習弓馬但其中每有將幼穉者充額不能操弓上馬而官學生年壯者往往挑選披甲伏思今官學生內有年壯而讀書遲鈍者令回旗披甲其所出之缺選年幼者補之以習滿文俟其稍長再學弓馬則彼此皆有裨益伏望

聖恩飭令八旗將教養兵額數滿洲分出三十名蒙古十名漢軍十名將此五十名錢糧給官學生計滿洲蒙古每名領銀一兩五錢漢軍每名一兩則壯者既有錢糧以學習弓馬幼者亦有錢糧以學習文藝長幼皆蒙

聖恩文武皆得造就請將八旗教養兵清查數目如目前現缺五十名者即照數撥給官學如缺額不及五十名者俟其將來缺出陸續撥給官學得

旨允行

互見旗學門

奉

諭禮部直省拔貢舊例十二年題請舉行一次後因各省學政不能秉公選取國子監未便照例請行於雍正元年特行一次朕思各州縣每年歲貢較其食廩淺深挨次出貢內多年力衰邁之人欲得人才必須選拔著各省學臣於科考時照例府學拔取二名州縣學拔取一名寧缺勿濫務取學問優通品行端方才猷可用之人

命其來京朕將親加考驗令入國子監肄業如有學問  
荒陋人品不端才具庸劣者將該學政嚴加議處嗣後  
六年選拔一次國子監屆期題請候旨又奉

諭向例考取拔貢俱於現考一二等生員內選取但恐作  
文有一日之長短而文理平通不列優等者其人或品  
行端方才識練達足備國家之用亦未可定嗣後不必  
拘一二等生員俱准收考酌量試以時務策論果有識  
見才幹再訪其平日品行端方即正考未列優等亦准

選拔

定河南延津縣學貢額時以胙城縣裁歸延津縣  
兩學見廩四十名照縣學例二年一貢未免壅滯  
議准出貢之年起送二人俟廩額停補扣清後仍  
照各縣學例二年一貢

定湖南鎮谿所學貢額俟補廩十年後照例二年  
貢一人

定陝西潼關縣學貢額潼關衛學新改縣學照例

二年一貢

酌定山東萊州府學貢額時以復州金州二衛廩生既歸并山東萊州府學每年一貢未免壅滯議准每年萊州府學二名俟金復二衛出貢完日仍照例每年貢一人

六年吏部議准八旗蒙古官學生監內有能繙譯滿洲蒙古字話者以各部院蒙古筆帖式用又國子監八旗蒙古官學生監生學習滿洲蒙古繙譯

既各蒙

恩賞給錢糧其內蒙古學實屬多設應將內蒙古學裁去  
其裁退之學生俟國子監本旗學生缺出坐補其  
裁退之助教俟助教缺出坐補又八旗蒙古監生  
官學生內有學習漢文情願考試滿漢繙譯者令  
其考試取中後以吏部等衙門蒙古筆帖式用又  
國子監助教八員係訓迪滿洲蒙古繙譯之員嗣  
後遇缺於理藩院及修書蒙古筆帖式并國子監

閑散巴克什內令理藩院會同國子監揀選擬定  
正陪咨送吏部帶領引

見補用

互見旗學門

增設八旗官學向來兩旗共立官學一所而八旗  
子弟家居各自散處其遠者或值天寒或值陰雨  
不能就學至是令每旗各立一學共增四所並添  
設教習四員每學各一員其子弟二十歲以下十  
歲以上俱入學肄業或所居與別旗學相近情願



就近讀書者聽其自便

互見旗學門

俄羅斯國遣其官生魯喀佛多德宜琬喀喇西木  
四人來學即舊會同館設學選滿漢助教二員教  
之每人給以銀米學成遣歸嗣後更番受業不絕  
七年定湖北恩施縣學二年一貢例

定四川成都華陽各學出貢例成都華陽四年輪  
貢二人威州學三年二貢餘縣學俱二年一貢

命八旗選拔貢生滿洲蒙古每旗起送二名漢軍每旗起

送一名

命直省選拔貢生府學二名州縣學一名

命各省拔貢來京者准以貢單應北闈鄉試

嚴例監生借照入場之弊先是生員俊秀援例捐  
貲入監事例不一如軍需營田塘工荒賑之類由  
各部題准遵行或咨送本監讀書或在籍准作監  
生免其到監至是禮部議覆學臣徐本疏言俊秀  
監中不應試者往往於鄉試年以監照借人頂名

入場請飭各省於捐納後行文取結時即令其填寫不應試字樣以便查驗從之

八年定肄業生分班考課之期各省恩拔歲副貢生每旬以二五八三六九為期分為兩班按期赴監考課不得託故不到

廣國子監學舍將附近官房一百四十二間給與肄業生等從祭酒鄂爾奇孫嘉淦之請也

恩賞肄業生膏火每年於戶部支給賞銀六千兩為諸生

衣食膏火之資其餘以備諸生之遇有事故及實在無力者量加助給之需

臣等謹按太學之地所以儲材育士也史稱光武起太學博士舍及內外講堂諸生橫巷為海內所集唐貞觀五年增創學舍國學之內八千餘人為近古以來未之有也我

朝文教敷宣崇儒養士即元明國子監舊基而振新之復廣學舍五百三十一間以為諸生作息之所

招徠遊學之士

命直省起送貢監肄業其中猶復籌其衣糧而外曲備需用極於至纖至悉

厚澤恩仁真同覆載蔑以加矣至是疊行選拔多士觀光者雲集京師

特沛恩綸加賞官房一百四十二間以廣學舍並

賜歲需銀六千兩以資餼廩於是膏火充餘几席展布四方之負笈而橫經者濟濟如林視漢唐極盛時所

稱猶未足比擬焉我

皇上臨雖講學隆禮

先師

曠典殊恩有加無已而重修黌序輪奐聿新是以瑞槐  
重榮益彰棧樸菁莪之化以徵

雲漢作人之盛而

文治彌隆

聲教四訖歟

命九卿於進士舉人內保舉助教等官向例助教等官由外省學官陞轉至是

特命祭酒司業秉公甄別年老衰憊者以原品休致學問平常者以應得之官改補所遺員缺以保舉人員引見補用

定四川分設州縣學出貢例舊州分縣輪流二年出貢州貢二人縣貢一人其一州又分設二縣者仍照三年二貢例州貢一人後新縣貢一人州再

貢一人後次新縣貢一人若舊縣分設新縣輪流  
二年各貢一人

定湖南澧州直隸州學出貢例澧州升為直隸州  
從前撥入府學者州籍歸州縣籍歸縣廩增改為  
舊廩舊增與本州縣學生員照考案先後挨次間  
補較年分出貢其九谿永定二衛歸併安福縣學  
照縣學例二年一貢

定山西河東運司學出貢額照縣學例二年一貢



九年又申定選拔順天八旗貢生增加額數先是  
八年順天府府尹兼管國子監事孫嘉淦奏言漢  
人貢生為數甚多而旗下選拔不過數人臣前為  
學政考試八旗生員見其材質聰明氣宇軒昂者  
實繁有人而皆溺記誦詞章之習不知返躬實踐  
修己治人之道似為可惜請將旗下生員多行選  
拔每旗或拔八人或拔十人令其入監肄業臣等  
與各省貢生一體教導俟其學成再行揀用或即

以之補授助教等官使之督率生徒則八旗官學益加振興矣得

旨著果親王鄂爾奇孫嘉淦會同選拔至是以考試八旗選拔九十四人送監肄業奏

聞報可

臣等謹按此次選拔專為順天八旗即奉天亦未舉行也蓋自雍正五年定選拔貢生以六年一次為率是以此次係出

特典云

十年大學士等遵

旨議覆凡滿洲教習三年期滿其行走勤謹教導有成者  
列為一等舉人以小京官即用貢生生監以筆帖  
式即用已補筆帖式之貢生生員照舉人例用列  
為中等者再留教習三年如教導有成帶領引

見照例各部選用不能稱職者禮部不時查叅從之

令八旗漢軍記名舊家子弟無力延師者得入官

學肄業左翼二十一人右翼十一人每月人給銀  
二兩令其各就本旗官學肄業該助教與教習等  
課讀清漢書再於兩翼滿洲內選騎射教習各一  
人間日赴學教騎射并國語每月人給銀三兩  
定直隸天津府縣等學貢額時天津州改為府俟  
十二年後照例一年一貢寶坻分設之寧河亦俟  
十二年後照例挨年出貢天津縣學仍二年一貢  
天津府商竈二籍廩生遇應貢之年照例出貢



監肄業其武生到部時禮部考試文藝兵部考試騎射  
請旨

十二年定江南徐州府銅山縣各學歲貢例府學  
歲貢一人縣學二年貢一人

吏部議覆祭酒覺羅吳拜條奏國子監監丞典簿  
員缺向例由各省教職論俸推陞每有年力衰邁  
學問平常者難為士子表率嗣後請於守部進士  
并學習期滿舉人內揀選引

見補授應如所請從之

定陝西興商二州屬縣各學出貢例紫陽山陽商  
南二年貢一人其石泉鎮安三年貢一人平利白  
和四年貢一人俟四學廩生各補足數仍准其二  
年一貢

定奉天復金二州學出貢額復州三年貢一人金  
州五年貢一人

命教授八旗官學生算法先是康熙五十二年設算學館於

暢春園之蒙養齋簡大臣官員精於數學者司其事  
特命皇子親王董之選八旗世家子弟學習算法又簡滿  
大臣翰林官纂修數理精蘊及律呂諸書至雍正  
元年告成

御製序文鐫板頒行至是年於八旗官學增設算學教習  
十有六人每旗官學各擇資質明敏者三十餘人  
定以每日未時起申時止學習算法

互見旗  
學門

十三年又復增定奉天永吉州學歲貢例五年貢



一人

定安徽壽州新分縣學出貢例州學二年一貢縣學三年一貢

選拔八旗貢生滿洲蒙古每旗起送二名漢軍每旗起送一名入監肄業

選拔直省貢生府學二名州縣等學一名

定山東武定沂州等府學歲貢例皆州升為府俟十二年後每歲貢一人博山惠民蘭山各照縣學

二年一貢

定廣西太平府屬之太平土州學泗城府屬之西林縣學出貢例俟十年後四年貢一人

定江南揚州府屬分縣各學出貢例江都分設甘泉舊廩暫照二年一貢之例兩縣輪貢俟舊廩完竣兩縣新廩四年貢一人山陽鹽城分設阜寧俟舊廩照例出貢後新補廩生山陽二縣各五年二貢阜寧四年一貢



皇朝文獻通考卷六十六